

პროდუქციის მიწოდებისა და მომსახურების შესახებ

ქ. თბილისი

18 დეკემბერი 2012 წელი

მხარეები, ერთის მხრივ შ.პ.ს „სუფთა წყალი“ შემდგომში წოდებული, როგორც „მიმწოდებელი“, წარმოდგენილი მისი დირექტორის ირაკლი კალმახელიძის სახით და მეორეს მხრივ სსიპ „ქალაქ რუსთავის #8 საჯარო სკოლა“ შემდგომში წოდებული როგორც „მომხმარებელი“, საქართველოს კანონმდებლობით მონიჭებული უფლებამოსილების ფარგლებში ვდებთ წინამდებარე ხელშეკრულებას და ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საფუძველზე „მიმწოდებელი“ აწვდის „მომხმარებელს“ „ბინულის“ მარკის სასმელ წყალს (ლიცენზია N00980, გაცემული საქართველოს გარემოს დაცვისა და ბუნებრივი რესურსების სამინისტროს მიერ 2007 წლის 30 ნოემბერს) 19 ლიტრის მოცულობის მქონე ბოცებით, მოთხოვნის შესაბამისად და ამ მიზნით დროებით სარგებლობაში გადასცემს „მომხმარებელს“ სასმელი წყლის დისპენსერს და 19 ლიტრის მოცულობის ბოცას, ხოლო „მომხმარებელი“ კისრულობს ვალდებულებას მიიღოს მოთხოვნილი პროდუქცია და გადაიხადოს მისი ღირებულება ხელშეკრულებით გათვალისწინებული წესით.

2. მომსახურების ღირებულება და ანგარიშსწორების პირობები

- 2.1 ხელშეკრულებით გათვალისწინებული პროდუქციის - 1 ერთეული „ბინულის“ მარკის სასმელი წყლის ღირებულებაა 10 ლარი (საქართველოში მოქმედი ყველა გადასახადის ჩათვლით).
- 2.2 პროდუქციის ოდენობა და მიწოდების ვადები განისაზღვრება ეტაპობრივად მიწოდებულ პროდუქციასა და მომსახურებაზე გაფორმებული შესაბამისი საგადასახადო ზედნაღებისა ან/და მიღება-ჩაბარების აქტით.
- 2.3 ხელშეკრულების ღირებულებას „მომხმარებელი“ ურიცხავს „მიმწოდებელს“ ფაქტობრივად მიწოდებულ პროდუქციასა და გაწეულ მომსახურებაზე გაფორმებული მიღება ჩაბარების აქტის გაფორმებიდან 5 (ხუთი) საბანკო დღის ვადაში.
- 2.4 მომსახურების ღირებულების ანაზღაურება ხორციელდება უნაღდო ან ნაღდი ანგარიშსწორების ფორმით.

3. მხარეთა უფლება-მოვალეობები

- 3.1. „მიმწოდებელი“ იძლევა გარანტიას, რომ მიწოდებული პროდუქციის ხარისხი შეესაბამება საქართველოში მოქმედ სანიტარულ ნორმებს და სტანდარტებს.
- 3.2. „მიმწოდებელი“ საკუთარი ხარჯებით უზრუნველყოფს პროდუქციის მიწოდებას „მომხმარებლის“ მიერ მითითებულ მისამართზე ეტაპობრივად, „მომხმარებლის“ მიერ წერილობითი, ან სატელეფონო მოთხოვნის შესაბამისად.
- 3.3. „მიმწოდებელი“ ვალდებულია ხელშეკრულების გაფორმებიდან 48 საათის განმავლობაში განათავსოს „მომხმარებლის“ მისამართზე 1(ერთი) ცალი სასმელი წყლის დისპენსერი და 3 (სამი) ცალი 19 ლიტრიანი, „ბინულის“ მარკის წყლით სავსე ბოცა.

3.4. სასმელი წყლის დისპენსერი და 19 ლიტრიანი მოცულობის ბოცა საკუთრების უფლებით ეკუთვნის „მიმწოდებელს“ და „მომხმარებელს“ ისინი გადაეცემა დროებით სარგებლობაში, ხელშეკრულების მოქმედების ვადის ამოწურვამდე.

3.5. იმ შემთხვევაში, თუ „მომხმარებელი“ გადაწყვეტს შეიძინოს „მიმწოდებლისაგან“ „3.5.“ პუნქტით გათვალისწინებული ქონება, აღნიშნული პუნქტი ძალადაკარგულად ჩაითვლება და ქონება გადავა „მომხმარებლის“ საკუთრებაში.

3.6. „მომხმარებელი“ ვალდებულია „მიმწოდებლისაგან“ შეიძინოს 19 ლიტრიანი მოცულობის ბოცით, თვეში არანაკლებ 3(სამი) ერთეული „ბინულის“ მარკის სასმელი წყალი, წინააღმდეგ შემთხვევაში „მიმწოდებელი“ უფლებამოსილია შეწყვიტოს ხელშეკრულება და გამოითხოვოს „მომხმარებლის“ დროებით სარგებლობაში არსებული დისპენსერი და ბოცები.

3.7. „მომხმარებელი“ ვალდებულია გაუფრთხილდეს, დაიცვას მექანიკური დაზიანებისაგან და განადგურებისაგან „3.5.“ პუნქტით გათვალისწინებული, მის დროებით სარგებლობაში არსებული ქონება და არ დაუშვას დისპენსერის და ბოცის გამოყენება „ბინულის“ მარკის წყლის გარდა სხვა სახის სითხისათვის.

3.8. „მომხმარებლის“ მიზეზით „3.5.“ პუნქტით გათვალისწინებული ქონების მექანიკური დაზიანების ან განადგურების შემთხვევაში, იგი უნაზღაურებს „მიმწოდებელს“ სასმელი წყლის დისპენსერის ღირებულებას - 300 (სამას) ლარს, ხოლო 19 ლიტრიანი ბოცის - 30 (ოცდაათ) ლარს.

3.9 „მომხმარებელი“ იღებს ვალდებულებას აანაზღაუროს „მიმწოდებლის“ ფაქტიურად გაწეული მომსახურების ღირებულება ხელშეკრულების პირობებში ასახულ ვადებში და ფორმით.

4. მხარეთა პასუხისმგებლობა

4.1 მხარეები პასუხს აგებენ წინამდებარე ხელშეკრულების შეუსრულებლობის, ან ნაწილობრივ შესრულებისთვის მოქმედი კანონმდებლობის შესაბამისად.

5. მომსახურების მიღება-ჩაბარების წესი

5.1 „მიმწოდებლის“ მიერ წინამდებარე ხელშეკრულებით გათვალისწინებული მომსახურების გაწევის შემდეგ ფორმდება მიღება-ჩაბარების აქტი ფაქტიურად გაწეულ მომსახურებაზე, რის საფუძველზეც „მომხმარებელი“ ურიცხავს თანხას „მიმწოდებელს“ 2.2. პუნქტით განსაზღვრულ ვადაში.

5.2 მომსახურება მიღებულად ჩაითვლება მხარეთა შორის, უფლებამოსილი პირების მიერ მიღება-ჩაბარების აქტის გაფორმებისთანავე.

6. ფორს-მაჟორი

6.1 ფორს-მაჟორული გარემოებების დადგომის შემთხვევაში, ვალდებულებების შეუსრულებლობა არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

6.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებას, რომელიც არ არის დაკავშირებული მათ შეცდომებთან და დაუდევრობასთან და რომელსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ემბარგოს დაწესებით და სხვა.

7. ხელშეკრულების პირობების შეცვლა, დავათა განხილვა

7.1 ხელშეკრულების პირობების შეცვლა დასაშვებია მხარეთა წერილობითი შეთანხმებით აგრეთვე, საქართველოს სამოქალაქო კოდექსის 398-ე მუხლით გათვალისწინებული შემთხვევით.

7.2 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

7.3 თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია მიმართოს სასამართლოს.

8. ხელშეკრულების მოქმედების ვადა

8.1 ხელშეკრულება ძალაში შედის მხარეთა მიერ ხელმოწერისთანავე და მოქმედებს 2013 წლის 31 დეკემბრის ის ჩათვლით.

9. ხელშეკრულების სხვა პირობები

9.1 ხელშეკრულება შედგენილია სამ ფურცელზე, თანაბარი იურიდიული ძალის მქონე ორ ეგზემპლარად თითოეული მხარისათვის.

9.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოს მოქმედი კანონმდებლობის შესაბამისად.

10. მხარეთა რეკვიზიტები

„მიმწოდებელი“
შპს „სუფთა წყალი“

ს/კ: 205150655
ბანკი: სს „საქართველოს ბანკი“
ა/ა: GE13BG000000129766400GEL
ბანკის კოდი: BAGAGE22
მისამართი: ფალიაშვილის 118
ტელეფონი: 2 439 439
Mail: info@binuli.ge

„მომხმარებელი“
სსიპ „ქალაქ რუსთავის #8 საჯარო სკოლა“

ს/კ: 216317769
ბანკი: სს ლიბერთი ბანკი
ა/ა GE38LB0121372223354000
ბანკის კოდი: LBRTGE22
მისამართი: ქ.რუსთავი, მე-16, მკრ. 9ა

ტელეფონი: 0(341) 25 89 85

Mail: sajaro8@gmail.com

დირექტორი: ნატალია ხელიძე



დირექტორი: ვეტევან ხვადაგანი

